



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-1/21-1-40-642-6/22**

Datum: 06.02.2023. godine

«Agencija za vodno područje rijeke Save» Sarajevo rješavajući po službenom zahtjevu Službe za katastar, urbanizam i imovinsko-pravne poslove Općine Tešanj za donošenje rješenja o prethodnoj vodnoj saglasnosti za ukrštanje priključnih 10(20) kV kablova sa rijekom Usorom, a u svrhu stvaranja tehničkih uslova za priključenje na elektrodistributivnu mrežu «ENERGY TRADE» d.o.o. Usora, u postupku izdavanja urbanističke saglasnosti po zahtjevu pravnog lica JP Elektroprivreda BiH d.d. Sarajevo – Podružnica «Elektrodistribucija» Zenica, na osnovu člana 109. stav 1. tačka 10. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o prethodnoj vodnoj saglasnosti**

1. Pravnom licu JP Elektroprivreda BiH d.d. Sarajevo – Podružnica «Elektrodistribucija» Zenica, daje se prethodna vodna saglasnost za ukrštanje priključnih 10(20) kV kablova sa rijekom Usorom u naselju Jelah, općina Tešanj, u svrhu stvaranja tehničkih uslova za priključenje na elektrodistributivnu mrežu «ENERGY TRADE» d.o.o. Usora, a u postupku pribavljanja urbanističke saglasnosti.
2. Prethodna vodna saglasnost daje se na osnovu pregleda dostavljene dokumentacije i pod sljedećim uslovima:
 - 2.1. Da korisnik prethodne vodne saglasnosti osigura izradu tehničke dokumentacije (na nivou Glavnog projekta) na osnovu koje će se vršiti izvođenje radova na polaganju trase priključnih 10(20) kV kablova u naselju Jelah, općina Tešanj, što podrazumijeva polaganje trase priključnih 10(20) kV kablova u putnom pojasu, prelaz priključnih 10(20) kV kablova preko rijeke Usore.
 - 2.2. Da se predmetna trasa priključnih 10(20) kV kablova, kao i postojeći most preko rijeke Usore u naselju Jelah na kome je planirano postavljanje priključnih 10(20) kV kablova prikažu na snimljenoj situaciji odgovarajuće razmjere koja odražava trenutno stanje na terenu, sa prikazom udaljenosti planirane trase od korita rijeke Usore, postojećih i planiranih hidrotehničkih objekata ukoliko se takvi nalaze u pojasu polaganja kabla i mjestu prelaza kabla preko rijeke Usore (zaštitni vodoprivredni objekti, objekti lokalnog vodovoda, kanalizacionog sistema i sl.) te sagledati sve moguće neželjene uticaje na režim površinskih voda, objekte i postrojenja, stečena prava korisnika, postojeću infrastrukturu, naselja i sl., te dati prijedlog mjera za uklanjanje odnosno sprječavanje tih uticaja.
 - 2.3. Projektnom dokumentacijom detaljno definisati i prikazati način postavljanja priključnih 10(20) kV kablova u konstrukciji mosta preko rijeke Usore i zaštita istih.
 - 2.4. Prelaz priključnih 10(20) kV kablova preko mosta u naselju Jelah na rijeci Usori riješiti polaganjem u zaštitne cijevi ugrađene ispod staze za pješake na mostu preko rijeke Usore uz pridržavanje uslova navedenih u Rješenju o odobrenju za polaganje 10(20) kV kabla u cestovnom zemljištu regionalne ceste R-474 Jelah-Piljužići broj: 12-23-12200-3/22 od 12.01.2023. izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona. Kota dna zaštitne cijevi ne smije prelaziti donju ivicu mostovske konstrukcije.
 - 2.5. Način ukrštanja optičkog kabla sa postojećim vodovodnim, elektroenergetskim i drugim instalacijama treba da se projektuje u skladu sa tehničkim propisima za ovu vrstu radova i prema uslovima i saglasnostima organizacije koja upravlja navedenim sistemom.
 - 2.6. Projektnom dokumentacijom definisati organizaciju i tehnologiju izvođenja radova u obalnom pojasu rijeke Usore, te definisati mjere koje je potrebno poduzeti u toku izvođenja radova kako ne bi došlo do erozionih procesa na obalnom području rijeke Usore, do podlokovanja temelja stubova kao i negativnih uticaja na druge korisnike voda (vodosnabdijevanje, ribari i sl.).

- 2.7. Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova, te ekološko-ekonomskih zahtjeva.
3. Nakon izrade projektne dokumentacije u skladu sa uslovima iz tačke 2. ovog dispozitiva, a prije pribavljanja odobrenja za građenje, podnosilac zahtjeva je dužan zatražiti vodnu saglasnost na projektnu dokumentaciju.
4. Uz zahtjev za izdavanje vodne saglasnosti pored investiciono-tehničke dokumentaciju, podnosilac zahtjeva treba dostaviti i dokumentaciju utvrđenu članom 8. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), te dokaz o uplaćenju upravnoj taksi u iznosu od 60,00 KM.
5. Ukoliko nakon izdavanja prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, u roku utvrđenom u članu 111. stav 3. Zakona o vodama, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
6. Ovu prethodnu vodnu saglasnost Investitor će koristiti u postupku ishodovanja urbanističke saglasnosti i okolinske dozvole ukoliko ova vrsta radova podliježe obavezi ishodovanja istih i ona definiše uslove koje projektna dokumentacija treba zadovoljiti sa aspekta voda u skladu sa Zakonom o vodama u postupku dobivanja vodne saglasnosti.
7. Prethodna vodna saglasnost se daje sa rokom važenja od tri (3) godine od dana pravosnažnosti ovog rješenja.

Obrazloženje

Služba za katastar, urbanizam i imovinsko-pravne poslove Općine Tešanj obratila se po službenoj dužnosti ovoj Agenciji sa zahtjevom broj: 06-19-1-3646/22 od 01.12.2022., zaprimljenim 05.12.2022., za donošenje rješenja o prethodnoj vodnoj saglasnosti ukrštanje priključnih 10(20) kV kablova sa rijekom Usorom, u naselju Jelah, općina Tešanj, u svrhu stvaranja tehničkih uslova za priključenje na elektrodistributivnu mrežu «ENERGY TRADE», a u postupku pribavljanja urbanističke saglasnosti po zahtjevu pravnog lica JP Elektroprivreda BiH d.d. Sarajevo – Podružnica «Elektrodistribucija» Zenica.

Uz zahtjev nije dostavljena dokumentacija koja je propisana članom 3. i 19. stav (2) Pravilnika o sadržaju, obliku, uvjetima, načinu izdavanja i čuvanja vodnih akata te je dopisom broj: UP-1/21-1-40-642-2/22 od 05.12.2022. godine, zatražena dopuna dokumentacije neophodne za vođenje upravnog postupka od strane ove Agencije. Investitor je dopunio zahtjev u traženom roku.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka broj: 065-0-Reg-21-000013 od 25.01.2021. godine izdatog od Općinskog suda u Sarajevu,
- Ovjerena kopija Uvjerenja o poreskoj registraciji od 15.07.2004. izdatog od Porezne uprave FBiH-Kantonalni ured Sarajevo,
- Dokaz o uplaćenju upravnoj taksi na zahtjev,
- Kopija Identifikacije i spisak katastarskih parcela sa popisom parcela i situacijom R 1:1000 broj: 06-26-11-4984/22 od 18.10.2022. godine izdatog od Službe za katastar, urbanizam i imovinsko pravne poslove Općine Tešanj,
- Kopija Rješenja o odobrenju za polaganje 10(20) kV kabla u cestovnom zemljištu regionalne ceste R-474 Jelah-Piljužići broj: 12-23-12200-3/22 od 12.01.2023. izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Idejni projekat – Izgradnja priključnih 10(20) kV kablova i ugradnja susretnog postrojenja u KTS „ENERGY TRADE“ Tešanj, šifra: TD-3228, oktobar 2022. godine, urađen od JP Elektroprivreda BiH d.d. Sarajevo - Podružnica «Elektrodistribucija» Zenica.

Nakon izvršenog uvida u dostavljeni zahtjev i priloženu dokumentaciju utvrđeno je da uz zahtjev dostavljeni svi potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i člana 21. Pravilnika o sadržaju, obliku, uslovima, načinu izdavanja i čuvanja vodnih akata o zahtjevu je dana 04.01.2023. obaviještena javnost putem obavještenja na oglasnim pločama «Agencije za vodno područje rijeke Save» u Sarajevu i u Uredu u Zenici, te dana 05.01.2023. u dnevnom glasilu „OSLOBOĐENJE“. U datom roku nije bilo pisanih izjašnjenja o predloženim aktivnostima iz zahtjeva.

Na osnovu uvida u dostavljenu dokumentaciju utvrđeno je sljedeće:

- Projektovani priključni (10(20) kV kablovi i susretno srednjenaponsko postrojenje se grade u svrhu stvaranja tehničkih uslova za priključenje na elektrodistributivnu mrežu proizvođača ENERGY TRADE d.o.o. Usora.
- Preko mosta će se kablovi položiti u postojeću kablovsku kanalizaciju, a potom nastavljaju u trasi lokalnog makadamskog puta.
- Novoprojektovana trasa zahvata katastarske parcele: 229, 946 i 953/1 K.O. Jelah i 378, 343, 353/2, 353/3, 345/1 i 345/4 K.O. Miljanovci Donji.

Nakon uvida u dostavljenu dokumentaciju, utvrđeno je da, shodno članu 7. stav (1) tačka 7. i članu 12. stav (1) tačka 1. i stav (2) Zakona o vodama, sa aspekta sektora voda ne postoje smetnje da se podnosiocu zahtjeva izda prethodna vodna saglasnost za ukrštanje priključnih 10(20) kV kablova sa rijekom Usorom u naselju Jelah, općina Tešanj, u svrhu stvaranja tehničkih uslova za priključenje na elektrodistributivnu mrežu «ENERGY TRADE» d.o.o. Usora, pa je riješeno kao u dispozitivu ovog rješenja.

Uslovi, koji se trebaju ispoštovati prilikom izrade projektne dokumentacije, a koja je podnosiocu zahtjeva potrebna u postupku pribavljanja vodne saglasnosti i odobrenja za građenje, definisani su u dispozitivu ovog rješenja u skladu sa članom 111. Zakona o vodama, članom 5. i članom 10. stav (3) Pravilnika o sadržaju, obliku, uslovima, načinu izdavanja i čuvanja vodnih akata.

Uplaćeni su i posebni troškovi prema Zaključku ove Agencije broj UP-1/21-1-40-642-5/22 od 17.01.2023. godine.

Podnosilac zahtjeva je uplatio upravnu i administrativnu taksu u iznosu od 80 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH» broj: 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Sanja Miličić, građ.ing.

Po ovlaštenju
Rukovodilac Sektora za izdavanje vodnih akata


Haris Ališehović, dipl.ing.građ.

Dostaviti:

- «Elektrodistribucija» Zenica
Ul. Safvet bega Bašagića br.6, 72000 Zenica
- Općina Tešanj, Služba za katastar, urbanizam i imovinsko-pravne poslove
Trg Alije Izetbegovića 1, 74260 Tešanj
- AVP Sava, ISV – Vodna knjiga
- Sektor 40 - arhiva
- Oglasna ploča - AVP Sava